

宋明理學家年譜

于浩輯



北京圖書館
出版社

5

于浩輯

宋明理學家年譜

叙

歷聖相承之統自孟子後不得其傳已一千
五百餘年及朱夫子出然後集諸儒之大成
而斯道得以大明凡其生平所言所行進以
入告我后退而傳道吾徒與夫具見於註釋
經書論列史傳攷究諸子百家蓋莫非身心
自得之餘義理精微之極為後學之規矩準

繩而不可易而天下後世之學者亦既無一
日而不讀其書矣然元竊以為讀其書而不
知其人不可也欲按其年歲次其先後以攷
其終身議論行事之本末彼載諸年譜及本
傳者太略而不能得其詳及反覆他書又以
卷帙繁多散見錯出自苦資性不敏艱於記
憶往往忘前失後私竊病之因本言行錄更

取之文集語類諸書而約舉為學之道用世
之方倣編年紀載體提其大綱詳其節目繫
於各年之下名曰年譜綱目以便按年檢閱
得以知其始終出處之大略其或年歲無攷
或年歲不同而與事相例者亦因類以見至
於發明全體大用之極致見於門弟子所撰
之行狀及雜記者則總錄於終篇亦曰置諸



凡案朝夕讀之以備遺忘而已若夫讀其書而求其人得其人而責諸己亦何能希望於萬一焉雖然朱夫子之道教人主敬致知復其本然之性以為學者也蓋性即理也理原於天具於心見於人倫日用事物之間推之天下國家之大嚴其心以漸窮之而必會其全體諸身則擴克之而必極其量察氣稟之

偏祛物欲之蔽不惑於空寂不雜於功利不
眩於詞章內外一致已物無殊此歷聖所相
授受諸儒所由繼起而朱夫子上接心傳息
異學率鳴之喙定羣言淆亂之宗縷析毫分
精入於無間融會貫通大極於無餘啟前賢
未發之秘深後人無盡之求其心即天地之
心也其功為萬世之功也後之學者賢智之

資外此無由作聖愚柔之質舍是則無以別
乎人禽矣豈僅出口入耳以資舉業云爾哉
元自愧資材庸下志力弗強悵望前修邈然
莫逮用成此謔以誌高山景行雖不能至私
心向往之意特以學無所得妄意推求不免
叙次無倫煩簡失當稿雖三四易尚多有未
安者惟願有道之君子教其所不及而為之

指示焉是則元之所厚幸也抑念元三歲而
孤庭訓無聞幸獲侍於從伯父作霖先生語
以理道之途而又時舉與先君子立菴先生
當日兄弟相師所為講求聖賢之遺旨嘆息
為元言之然則今之所以猶知有朱夫子之
學不敢忘其自而此諸之成其於

國家尊崇正學以端士習之意庶得與同志

共勉云時嘉慶二年丁巳夏四月楚南後學
李元祿涵萬甫敬書於泮泉書房

敬



柳居無村之上游其爲之與寧
李公涵萬先生自初喜讀朱
子書今年也七十猶朝夕編
致之周倦食果坐樂欲親朱
子好事以爲乃心之讀嘗讀本

傳而病其略觀年譜而錄其蹟
因本朱子著書之體紀朱子仍
事之實參取厚書彙為一集
從提其要朱子體道之大端無
不昭然目致其詳朱子析理之
精微無不善矣綜觀其出處

語默家世里居歷々分明墨蹟
如見然後知朱子一生著作所為
數目前聖後賢之遠者無不
一一見諸好事與天而人心相表
裏余自乾隆乙未歲以歸書里
居得掌教戴應經十餘年極念

吾楚為朱子已化之地而猶林
城南寺書院隔江相望朱子
又嘗就訪南軒張子往來唱酬
於其間流風餘韻至今未泯
每秋月嘉華偕同人息游以
尋名教之樂情素所觸寧然

志遠恨不得從朱子遊于數百
載之前今讀先生所編輯年譜
縱目景仰前哲力崇正學殆奉
其躬以為朱子之徒而及其門矣
而余猶瞠字後也前未得邂逅
適願東公之世忍遠經遠歸焉

公始與丞相依嶽麓手出公錄
定稿本相示同堂諸學徒久之
始謂人之嘗讀之者宜付剞劂
因撮其大意以爲之敘云

告

皇清嘉慶三年歲在戊午孟夏

月上漸教旦

誅搜奉旨大興修膳寺少卿掌

知嶽麓書院加紀錄六次
湖南羅典慎高氏謹撰

